



Pou Piblikasyon Imedya: 01/11/2021

GOUVÈNÈ KATHY HOCHUL

GOUVÈNÈ HOCHUL SIYEN LEJISLASYON KI ELAJI KONJE FAMILYAL PEYE ETA NEW YORK LA

***Lejislasyon S.2928-A/A.06098-A elaji lwa aktyèl la pou pèmèt travayè yo pran
swen frè/sè yo ki gen kondisyon sante grav***

Jodi a Gouvènè Kathy Hochul te siyen yon pwojè lwa (S.2928-A/A.06098-A) ki elaji lejislasyon Konje Familyal Peye New York la ki pèmèt pran swen frè/sè. Nan lwa aktyèl la, anplwaye yo pa kapab pran konje pou ale pran swen yon frè/sè ki gen kondisyon sante grav.

"Pran swen fanmi ou se yon dwa imen debaz, okenn moun pa ta dwe gen pou chwazi ant pran swen yon moun pwòch ak yon salè", **Gouvènè Hochul te deklare**. "Batay pou elaji konje familyal peye a se yon bagay pèsònèl pou mwen ak anpil lòt epi mwen fyè dèske mwen te travay avèk avoka ak lejislatè yo pou asire Nouyòkè yo kapab kounye pran swen frè/sè yo san krent pou pa pèdi travay oswa revni yo".

Pwojè sa, chita sou lejislasyon Konje Familyal Peye ki te adopte an 2016 ki te kreye youn nan pwogram konje familyal peye ki pi konplè nan peyi a. Anvigè depi 2018, pwogram Konje Familyal Peye New York la se yon asirans pou peye anplwaye ki bay travayè yo konje ki pwoteje travay yo ak peye pou kreye lyen avèk yon timoun ki fèk fèt, adopte oswa nan fanmi dakèy; pran swen yon manm fanmi ki gen kondisyon sante grav (sa ka enkli ka COVID-19 grav) oswa ede pwòch yo lè yon manm fanmi an deplwaye aletranje nan sèvis militè aktif. Konje Familyal Peye a ka disponib tou nan kèk sitiyasyon lè yon anplwaye oswa minè, timoun depandan anba yon lòd karantèn oswa izòlman akòz COVID-19. Travayè kalifye yo ka pran jiska 12 semèn lib nan 67% peman yo (jiska yon limit) pou pran swen manm fanmi yo nan moman bezwen.

Aktyèlman, swen fanmi nan kad Konje Familyal Peye a kouvri swen pou mari/madanm, patnè domestik, timoun, paran, paran devan lalwa, granparan, oswa pitit pitit yo ki gen yon kondisyon sante grav. Atravè lejislasyon S.2928-A/A.06098-A, definisyon "manm fanmi" an elaji pou enkli frè/sè. Sa gen ladan frè/sè byologik, frè/sè adopte, bò frè/bèl sè k demi frè/sè. Manm fanmi sa yo kapab ap viv andeyò Eta New York, ak menm andeyò peyi a.

Pwojè lwa a pral antre an vigè 1ye Janvye 2023.

Senatè Eta Joseph P. Addabbo Jr. te deklare, "Lè Eta New York te entwodui Konje Familyal Peye an 2016, se te youn nan pwogram ki pi konplè nan jan li. Kounye a, avèk adopsyon pwojè lwa sa a, pwogram Konje Familyal Peye eta nou an ankò pi solid. Frè/sè — byolojik oswa adopte — se manm vital estrikti fanmi an epi pafwa se sèl fanmi kèk moun genyen. Enkli yo kounye a nan pwogram Konje Familyal Peye nou an te bay fanmi yo plis asirans ke si yon bagay rive yon frè/sè, y ap kapab pran konje ki nesesè pou pran swen manm fanmi yo. Mwen fyè dèské mwen te esponnsorize pwojè lwa sa nan Sena Eta a epi remèsyé kolèg mwen yo dèské yo ede adopte li epi Gouvènè Hochul dèské li reyalize enpòtans pou ajoute frè/sè nan pwogram sa ki déjà solid".

Manm Asanble a Sandy Galef te deklare, "Gwo lyen ant frè/sè se yon bagay nou pa ka renye. Pou anpil moun, frè/sè se sèl manm fanmi ki disponib pou ede ak bay swen sante nan moman yo bezwen epi sa te rive souvan pandan pandemi COVID la. Mèsi ak Gouvènè Hochul dèské li siyen lejislasyon sa a ki elaji definisyón fanmi pou ajoute frè/sè. New York se yon lidè ankò nan asire sila yo ki gen pwoblèm sante grav kapab jwenn swen nan men frè oswa sè yo san pèdi travay yo ak salè yo. Se yon adisyon byenveyan ak konpatisan nan lwa Konje Familyal Peye New York la".

Prezidan Komisyón Dedomajman Travayè Eta New York la, Clarissa M. Rodriguez te deklare, "Konje Familyal Peye Eta New York la te de plizyè milye Nouyòkè pran swen manm fanmi yo depi lè li te anvigè an 2018. Pwojè lwa sa a ranfòse Konje Familyal Peye, lidè nan nasyon, New York la, nan pèmèt plis Nouyòkè k ap travay di jwenn aksè ak konje ki pwoteje travay, ki peye pou yo ka bay sipò esansyèl ak yon frè/sè ki gen kondisyon sante grav".

Komisè Depatman Travay Eta New York la, Roberta Reardon, te deklare, "Konje Familyal Peye New York la se yon modèl nan peyi nou an lè sa gen pou wè ak ede fanmi k ap travay yo epi mwen felisite Gouvènè Hochul pou lidèchip li nan elaji definisyón fanmi pou ajoute frè/sè. Ane edmi pase sa a te espesyalman difisil pou swayan k ap travay yo epi yon pèt revni ka devastatè pou Nouyòkè yo ki dwe pran swen yon manm fanmi ki malad. Se yon etap enpòtan pou soulaje difikilte sa a".

Dina Bakst, Koprezidan ak Kofondatè, A Better Balance (ABB) lan, te deklare, "A better balance aplodi Gouvènè Hochul dèské li ouvri wout la epi siyen lejislasyon an jodi a pou ajoute frè/sè nan Lwa istorik sou Konje Familyal Peye New York la, yon lwa nou te ede avèk fyète pou adopte li an 2016. Nan mitan yon pandemi, mank mendèv ak kriz swen, lejislasyon vital sa a pral ede asire pi gwo pwoteksyon posib pou Nouyòkè yo, espesyalman fanm, ki bezwen tan lib pou pran swen pwòch yo ki malad grav oswa novo timoun yo. Kongrè a ta dwe swiv direksyon New York epi adopte yon lwa sou konje familyal peye ki solid, ansanm ak sipòte travayè yo nan gwosès ak akouchman lè yo adopte Lwa sou Ekite Travayè Ansent lan san delè. Nou pa kapab Rekonsti Pi Byen san mezi esansyèl sa yo".

Beth Finkel, ki se Direktè AARP Eta New York, te deklare, "Konje familyal peye a konpatisan ak rantab epi AARP New York aplodi Gouvènè Hochul dèské li siyen nouvo

Iwa sa a ki elaji pwogram New York ki te deja solid la pou ajoute frè/sè. Avèk 2.5 milyon swayan fanmi ki san peye atravè New York ki bay swen ki evalye ak plis pase 31 milya dola nan yon ane, nou ta dwe fè tout sa nou kapab pou sipòte swayan fanmi yo. Okenn manm fanmi ki pran swen yon pwòch pa ta dwe eskli nan konje familyal peye a. Li ede anplwaye, anplwayè ak kontribiyab yo nan ankouraje espas travay ki pi pwodiktif ak bay travayè yo trankilite lespri ekonomik yo bezwen pou bay swen presye pou pwòch yo - ki ede Nouyòkè yo vyeyi ak diyite ak endepandans lakay yo, olye nan mezon retrèt ki pi chè, ke kontribiyab yo finanse".

Pwokirè New York Civil Liberties Union, Lisa Zucker, te deklare, "Konje familyal peye a se pa yon avantaj nan travay: li se dwa travayè yo ak obligasyon pou egalite sèks. Fanm yo kontinye pote fado swen fanmi yon fason ki pa pwopòsyonèl epi tout fanmi yo bezwen sipò ki rekonèt estrikti ak responsabilite yo varye pamí fanmi yo. Piske Etazini rete sèl peyi devlope ki pa bay konje familyal peye federal, jodi a, eta nou an pran yon mezi odasye pou asire okenn Nouyòkè pa gen pou chwazi ant salè yo ak pran swen fanmi yo".

Sipèentandan pa Enterim Depatman Sèvis Finansye a, Adrienne A. Harris, te deklare, "Pwogram Konje Familyal Peye New York la te pèmèt fanmi yo pran yon konje peye pou pran swen pwòch yo, prezève stabilite finansye ak libète pou sila yo ki plis bezwen sa. Ekspansyon Konje Familyal Peye, lidè nan nasyon an, New York la nan enkli frè/sè bay fleksibilite anplis pou fanmi yo pandan n ap travay pou rekonstwi ak rekipere apre COVID-19. Mwen remèsye Gouvènè Hochul ak Kò Lejislatif lan poutèt nouvo Iwa sa a".

Pou detay konplè sou Konje Familyal Peye Eta New York la, ale sou PaidFamilyLeave.ny.gov.

###

Lòt nouvèl ki disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418